

1. **VETERINARSKI FAKULTET U SARAJEVU**, ID: 4200228330004, Zmaja od Bosne 90, 71000 Sarajevo kojeg zastupa dekan prof.dr. Nihad Fejzić (u daljem tekstu Fakultet) i
2. **ARIFAGIĆ INVESTMENT D.O.O.**, Privredno društvo za proizvodnju, promet, eksport-import, ID: 4403299860002, Trnopolje 61, Kozarac kojeg zastupa direktor Jusuf Arifagić (u daljem tekstu: Arifagić Investment d.o.o.)

Zaključili su dana 14.01.2019. godine slijedeći

UGOVOR **o nastavnoj, naučnoj i stručno-tehnološkoj saradnji**

I PREDMET I CILJEVI UGOVORA

Član 1.

Svrha ovog ugovora je reguliranje uslova i načina nastavne, naučne i stručno-tehnološke saradnje između ugovornih strana.

Glavna područja saradnje u okviru ovog ugovora će biti sljedeća:

- edukacije studenata Fakulteta;
- izvođenje praktične nastave na farmama;
- kontrola kvaliteta stočne hrane koja se koristi u ishrani grla na farmama;
- ispitivanje i utvrđivanje zdravstvenog statusa grla na farmama;
- dijagnostički, preventivni i terapijski tretmani.
- zdravstvena ispravnost sirovina i namirnica (fizikalno hemijske, mikrobiološke i pretrage na prisustvo rezidua)

II OBAVEZE UGOVORNIH STRANA

Član 2.

Ugovorna strana Arifagić Investment d.o.o. će na osnovu ovog ugovora omogućiti pristup studentima, nastavnicima i saradnicima Veterinarskog fakulteta Sarajevo na svoje farme i objekte, u skladu sa planom i programom nastave i naučno tehnološke saradnje koji se dostavlja na početku školske godine.

Posebno, putem ovog Ugovora će se:

- obezbjediti nesmetan pristup akademskom osoblju i studentima Fakulteta u krug farme i proizvodne pogone kako bi obavili praktičnu nastavu, kao i sve druge radnje koje će omogućiti provođenje edukacije studenata po nastavnom planu i programu uz prethodni dogovor sa veterinarskom službom;
- obezbjediti parking prostor u krugu farme za službena vozila fakulteta kojim će se studenti dovoziti i odvoziti na nastavu;
- obezbjediti adekvatan prostor za kliničku učionicu sa pratećim sadržajima (sanitarni čvor i prostor za garderobu) u kojoj će se u skladu sa nastavnim planovima i programima izvoditi klinička nastava na nastavnim životinjama;
- jednom godišnje u pismenoj formi dostavljati Fakultetu /šefu klinika/ izvještaj o zdravstvenom statusu životinja sa kojima studenti dolaze u kontakt;
- omogućiti učešće akademskog osoblja i studenata u rutinskim zahvatima;
- omogućiti učešće akademskog osoblja i studenata u dijagnostičkim, preventivnim i kurativnim tretmanima;

- omogućiti učešće akademskog osoblja i studenata u uzimanju uzoraka krvi od grla sa farmi radi vršenja analize istih u skladu i na način kako je to propisano pozitivnim zakonskim propisima.

Član 3.

U cilju realizacije ovog ugovora Veterinarski fakultet Sarajevo se obavezuje da će za Arifagić Investment d.o.o. obavljati:

- dijagnostičke, preventivne i kurativne tretmane za koje veterinarska služba farmi nije osposobljena, odnosno na osnovu zahtjeva veterinarske službe farme kontrolu kvalitete, sirovinskog sastava i rezidua toksičnih supstanci u stočnoj hrani koja se koristi u ishrani grla na farmama;
- obavljati laboratorijsku analizu uzoraka krvi uzetih od grla sa farmi u skladu i na način kako je to propisano programima kontrole bolesti koje su regulisane zakonskim propisima;
- obavljati kontrolu proizvodnje, kvaliteta i zdravstvene ispravnosti sirovina i namirnica, u skladu sa važećim propisima;
- kao i druge dijagnostičke i laboratorijske pretrage koje zahtjeva naručilac u skladu sa zahtjevima nadležnih kontrolnih tijela i važećih zakonskih propisa.

Član 4.

Temeljem ovog ugovora, i opredjeljenosti strana za dugoročnu saradnju sa ciljem razvoja kapaciteta i ispunjavanja poslovnih ciljeva, posebnim aneksima će se regulisati međusobne finansijske obaveze u dijelu saradnje koja se odnosi na stručno operativni rad i korištenje laboratorijskih kapaciteta Veterinarskog fakulteta Sarajevo koji se stavljaju na raspolaganje Arifagić Investment d.o.o.

III PRIJELAZNE I ZAVRŠNE ODREDBE

Član 5.

Ugovor se zaključuje na period od četiri (4) godine računajući od dana potpisivanja istog od strane ovlaštenih predstavnika i može se produžiti ako su obje strane pismeno saglasne.

Član 6.

Izmjene ovog ugovora mogu se vršiti uz saglasnost obje ugovorne strane i to putem aneksa ugovora.

Član 7.

Eventualno sporna pitanja iz ovog ugovora ugovorne strane se obavezuju da će sporazumno riješiti, a u slučaju nemogućnosti takvog rješenja ugovaraju nadležnost suda u Sarajevu.

Član 8.

Zaključenjem ovog Ugovora prestaje da važi Ugovor o nastavnoj, naučnoj i stručno-tehnološkoj saradnji naš broj: 07-04-28-89/15 od 08.09.2015. godine.

Član 9.

Ovaj ugovor je sačinjen u 4 (četiri) istovjetna primjerka od kojih svaka ugovorna strana zadržava po 2 (dva) primjerka.

Veterinarski fakultet Sarajevo

Prof.dr. Nihad Fejzić, dekan

Broj: 07-04-28-7 /



Arifagić Investment d.o.o

Jusuf Arifagić, direktor

